

Revrigeo

"YIS!" I scirried whin I saw da clear blue sky ootside. Yun is da first fine day in months an I'm no spendin it inside. I shot oot o my bed an ran tae da keetchin.

"Mam, ir you seen da day? Let's go ta Revrigeo!" I asked. Revrigeo is a peerie geo on da banks o Gossabrough. I ae go dere whin it's a boanie day, da view is amazing. Mam gaffed as sha wis makin brakfast an turned tae me. "Had dee on Vaila, It's only half pas nine. I canna go wi dee tho, I hae Davy tae look efter." I looked at my peerie tree year owld bridder, rantin aroond da hoose an sighed.

"Phone Daa, he'll mabbye tak dee" sha said. My fice brightened an I smiled. My Daa bides right by Revrigeo an I keen dat he wid be goin daday anyway. I phoned him up an mam ran me ower.

"Daa can we tak Bruno?" I asked when we cam ootside. Bruno is Daa's dug dat's completely broon apert fae some white spots on his fice. He's a dorleen an I ae chuck a baa tae him whin I come ower.

"Yeah, slip'm oot an wi'll go." he said as he got his kepp on. I'd joost gotten him oot whin Granny poked her heed oot da window. "Noo, you better be back fur your twall, aarite." Sha tells wis "Ok, granny, wir joost gyan ta Revrigeo an doon by Whinnifir. We shouldna be dat long." Sha shut da window an we set aff. We followed da owld dirt rōd, joost by Granny an Daa's an I saw all da familiar things on dis walk. Nana's owld peat bank dat sha hed when sha bed here, da broken doon dyck dat seperates Revrigeo an Whinnifir, da sheeps gaets da run along da banks. Dis wis my favorite walk by far. Whit an excellent day.

Daa an I sheeksd fur a while we got tae Revrigeo. We stopped tae admire da boanie view, while Bruno ran about. Revrigeo is almost a straight drap doon fae da banks tae a peerie rocky beach, Da Mallies big dir nests in da cracks o da banks an fly aroond when you com near. Fae da high point you can see da blue horizon an some o Skerries as weel as a clear view o da Horse O Burravoe. I glindered an saw dat da beach wis foo o hellery. Daa usually taks up some o da stuff fae da beach lik bits o wid or pieces o rop. He haes a great pile o stuff lying here. "Boys o bressa!" Daa said as he saw all da stuff. "Yun most be blaen aroond by da gael air yisterdey. I'm gyan doon ta git yun bits o wid, Vaila. Stay here fur it's braaly steep doon yunder." I nodded an he made his way doon da steep drap.

I kent he wis gyan ta tak a while so I wandered aroond wi Bruno an started ta mak my way ta da Horse o Burravoe. It wis only whin I wis half way dere when I heard a piercing scream. I froze an turned ta da direction o Revrigeo. Dir wis anidder scream dat could be heard fae Flugga. It wis definatly Daa. I ran as fast as I could back ta Revrigeo an saw him lyin in a crumpled haep by swall. His fit wis bent funny an fae where I wis i could joost see da bone stickin oot fae da skeen. Da blood wis drippin doon his leeg an staining da rocks rid. I could see pinky water fae it trickling intae da sea. I felt da blood drain fae my face an I tried hard no ta spew at da gruesome sight. Although he wis screaming afore, he wis passed oot noo which I kent wisna good. I needed ta git him oot o yunder. Noo.

By Megan

I hade no phone, an its dat far oot dat I couldna run ta git anybody afore da tide cam in an carried him away. I wis pacing aroond whin Bruno ran doon Da banks ta Daa an started licking his face. He tried ta poo him by his boiler suit but he couldna move him ower da rocks. Bruno whinged an licked his face ageen. I couldna joost leave him an Bruno wis bein more helpful dan me.

I started doon da steep rocky road an prayed dat I widna slip. I eventually got all da way doon an sprinted ta Daa an Bruno. Daa's leeg looked waar up close an I tried ta keep my eyes aff o it or I keen dat I wid spew. I didna keen very much aboot anything medical but my sister is a nurse an I kent dat an open wound wi a bon stikin oot can be very easily infected. I cleaned oot da wound wi sea water an hoped da dat wid be enough.

I couldna lift him wiout dragin his very broken fit across da rocks an I don't think dat it wid do it very good. I looked aroond fur anything. Anything dat could help me an in da corner o my eye, I saw half o a plastic barrel washin oot ta sea. Wastin no time I ran intae da swall an caught it afore it could go oot ony farther. When I made it back ta Daa, I wis soaked an stirnin but it didna metter, I needed ta git him oot. I pit da owld, blue barrel on his side so dat I could slide Daa intae it wiout hurtin him too much. I pit my honds under his oxters an hauled him intae da barrel. His broken leeg bumped against a big ston an I winced but he stayed passed oot. Bruno looked at me oddly as I got him settled in da barrel afore tippin it up so dat it wis straight. "Bruno, go an git some rop fae up by" I telt him an he scampered aff up da hill. I waited impatiently until he cam back wi a long piece o rop in his mooth. "Good boy, Bruno" I praised, den set ta wark.

I tied da rope aroond da barrel an troo a couple o holls in da side o it afore tyin it on ta Bruno's collar. I set my shaky honds at da boddam o da barrel. "Ready bruno, legs go." I said ta him an he started pooing Daa. I pushed fae da boddam an Bruno pulled fae da tap an tagidder we managed ta haul him up da banks. I breathed a sigh o relief whin we got him sittin on da girse. I untied Bruno an took Daa oot o da barrel. I still needed ta git help fur him but I couldna drag him all da way back. Efter bein in da freezin cowld water an draggin daa up da hill, I wis wabbit, cowld an stirnin. I propped him up against da fence an pit my sark ower him, "Stay wi Daa Bruno" I telt him an he curled up in Daa's bosie. Wi da last amoont o energy I hade left, I ran back ta granny's hoose.

I burst through da door an ran ta da phone ta phone da ambulance. While i wis on da phone, granny cam through fae da Keetchin. "Weel it's aboot time, Do-" Sha stopped spikin whin sha saw my pale face, soaked claise an shaky bodie. Da ambulance said dey wir comin so I hung up an faced Granny. "Daa fell. He broke his leeg an he's passed oot. I got him away fae Revrigeo but he's still oot dere. Da ambulance is comin but if wir no back whin dey ir here point dem in da direction o Revrigeo ok?" I didna wait ta see her reaction, I joost sprinted oot da hoose an ran doon da rod ta Uncle Frank. I ran in an explained everything an we set aff. We managed ta git him almost ta Swarister whin da ambulance cam an helped wis. He got sent ta Lerwick ta git da bon set an ta check fur infection. "Well done." wan o da paramedics said ta me whin Daa wis gitin in da amblance. "You did very good. If you hadn't cleaned the wound it would probably be

By Megan

infected." I smiled an went intae da hoose. I wis asleep as soon as my heed hit da pillow keenin dat Daa wis aarite.

By Megan